



IWE SAKAKIPIIHIKEWIN MIINA KIIN

EKONEN IHIWE SAKAKIPIIHIKEWIN?

Ohoma Canada, ihiwe sakakipiihikewin otaapinikate entaso niiyanan aahkiiwin. Ihiwe sakakipiihikewin katashinaniwak otapinikate kaishinakosinaniwak, pimacihowin miina paamihowin wiintamakewinan ima kaatasikin wakahikanan. Ihiwe sakakipiihikewin onci kiakitikaniwak ootapinikate wiintamakewin iniweniwan kakina kitikanikewinan kapimiwicikatekin ohoma Canada. Mamao, onci kikinawacicikate iwe Canada katashinaniwak miina kakitikewac, eishpak wiintamakewin ciwicihakanewac Canada ininiwak kakiciinentakokin onentamowinan ima kaisisewac tipencikewinan, ootashiikewiniwa miina oomaacitawiniwa.

EKONEN IHIWE SAKAKIPIIHIKEWIN WENCIKICIINENTAKOK?

Sakakipioihikewin kaishi wiintamakemakak ootaapacitonawa kainatek okimawin, anishinabe taashiikewinan miina pimiwicikewinan, maacitawinan, miina mishiin kotakiyak cionci wiicihikowac kaniishionentamowac kekonan. Iwe wiintamakewin kapakitinaman onciisise ihiwe sakakipiihikewin kwayak ciishinakok Canada kaniishi aayancisek kaishinakok.

AWANEN KEKIISHITOC IWENI KAKWETEWINAN?

Cipapamisiyan ima 2026 sakakiphikewin oma kataashinaniwak inacikate citotamowac kakina oma kaishitaawac. Okoweniwak kakina Canada ininiwak (kakiitashinitawikiwac kayema einakimakanewac), katakoshinowac, kapitakokosiwac tinokan, kamaciininshiwac), Canada kotakiin oonotinikek anookiinakanak, Canada oonootinikek pakan aahkiink Katashi ayawac, miina ikiweniwak ka tepinamowac anookiiwin kayema kakikinomawakanec mansinahikanensan.

Awiiya kapapamisis epimiwitooc iweni kitigan macitawin kayema kotakiyan kitikewinan kapimiwicikatekin okashakashkinepiihan oweni 2026 sakakipiihikewin onci kitikewinan kakwetewipepan. Peshik kakwetewipepan takiishicikate iniweniwan kakina sakakipiihikewin kitikewinan.

AANIIN IHIWE SAKAKIPIIHIKEWIN ENTOOCIKATEK?

Waakahikanan kaishiotapinikatekin kiiwetinonk miina noopimakamik ootepinanawa iwe sakakipiihikewin enantomakanec ima oshipiihikanik mekwac February 2026. Kakina kootakiyan waakahikanan miina

kitikewinan kapimiwicikatekin okatepinanawa iwe nantoomiwewin ooshihihikan mekwac aniisisek May 2026. Onoweniwan oshipiihikanan wiintamakemakanoon iwe onci sakakipiihikewin, miina kaye ihiwe wiintamakewin ketotaman cishakashkinepiihaman iwe kakwetewipepan.

Kaasakakipiihikewac Canada taisiseni cipikanonik ima kitowinikn kayema cipinansikawik kiishpin iwe kakiishakashkinepiihikeyan eka etepinamowac.

IHIWE KAISHI TIPACIMIKOYAN NAH MASHKAWI KANAWENCIKATE?

Kasakakipiihikewac Canada okiciinentanawa eka cipapamacimikoyan miina eishpacikatek cikanawencikatek ihiwe. Kakina wiintamakewinan kaotapinikatekin onci kasakakipiihikewac Canada mashkawi kanawencikatewan miina einapacicikatekin ima sakakincikewinink eta, iwe kainatek *sakakincikewin inakonikewin*. Awashime wiikikentaman, ohoma inapin [Statistics Canada's Trust Centre](#).